


大般若波羅蜜多經

第四百七十九

四十八
周九

47276

15 20



大般若經第三會序

崗

夫正理晦於率情而情由理鏡妙觀睽於徇
迹而迹以觀冥然情迹兩崇假名相而耽習
則理觀雙拔資漸漬於多聞王城所以亟迂
聖度於茲復坦是用入遊戲定擄前會之神
蹤出微妙音集向時之遙證光敷法潤澡汰
心源將欲利無利於情區度不度於生品運
六通於即寂流四辯於忘言固當住不思議
得無分別至如夢中重夢尚縈馳徇之勞即
明覺後復覺乃有發蒙之慶何物物之殊炫
而如如之罕覲哉彼如復如者非異所異也
在纏出纏而性淨有佛無佛而體常會之則

歸來號如來矣乘之則流異稱異生焉前際
空而累盡後際空而德滿尔其闢甘露門坐
金剛座假名法外無色而莊嚴勝義諦中無
心而啓悟故能斷以空滯空之惡取開無說
假說之善權熙妙色之殊對霈圓音之各解
莫非自般若以爲源依般若以成學譬山王
之高妙谷王之宗長義必重深辭亦豐秘凡
五十九卷三十一品於舊無涉號單譯焉
大般若波羅蜜多經卷第四百七十九

三藏法師

玄奘奉

詔譯

第三分緣起品第一

如是我聞一時薄伽梵住王舍城鷲峯山中

與大苾芻衆五億人俱皆阿羅漢諸漏已盡
無復煩惱得真自在心善解脫慧善解脫如
調慧馬亦如大龍已作所作已辦所辦棄諸
重擔逮得已利盡諸有結正知解脫至心自
在第一究竟除阿難陀獨居學地舍利子等
而爲上首復有五百苾芻尼衆皆阿羅漢耶
輸達羅而爲上首復有多千鄔波索迦鄔波
斯迦皆已見法復有無量無數不可稱不可
量不可說無等等大菩薩僧一切皆得大陀
羅尼勝三摩地安住空性行無相境願無分
別得一切法平等性忍具無礙解諸所演說
深妙理趣辯才無盡遊戲五通永無退失氣

調溫雅一切欽承勤進勇銳無諸懈怠捨親
棄財忘身殞命不以矯誑有所貪求為諸有
情而宣妙理證深法忍至等極趣得大無畏
身意坦然超出眾魔所作事業降煩惱敵息
諸業障一切他論所不能伏聲聞獨覺不測
其量於法於心皆得自在解脫所有業煩惱
障於說眾緣無不善巧契深緣起無盡理趣
滅見隨眼斷諸纏結於眾諦理智皆善證發
弘誓願已經多劫含笑先言容顏舒泰調韻
和美妙辯無窮處眾尊嚴威容肅穆動止儀
雅無畏坦然那庾多劫巧說無盡觀諸法門
猶如幻事陽焰夢境水月響聲既類空花鏡

尚

若四十七十九

二

像光影亦如變化及尋香城雖體實無而現
似有於甚深理說無所畏讚頌巧妙心不下
劣善知有情種種勝解心行所趣微細差別
善能通達後際無礙成就最勝無生法忍如
實悟入法平等性攝受無邊大願佛土於十
方界無數諸佛由等持力常念現前一切如
來出興于世皆能歷事無空過者亦能觀請
久住世間轉正法輪度無量衆善能伏滅一
切隨眠及諸見趣煩惱纏垢引發遊戲百千
等持於諸法門能善悟入是諸菩薩摩訶薩
衆具如是等無量功德經無數劫歎不能盡
其名曰賢守菩薩寶性菩薩導師菩薩仁授

菩薩星授菩薩水天菩薩帝授菩薩上慧菩
薩觀自在菩薩得大勢菩薩妙吉祥菩薩金
剛慧菩薩寶印手菩薩掌舉手菩薩慈氏菩
薩如是等無量百千俱胝那庾多菩薩摩訶
薩而爲上首尔時世尊於師子座上自敷左
師壇結跏趺坐端身正願住對面念入等持
崗
王妙三摩地諸三摩地皆攝入此三摩地中
若四七九
是所流故尔時世尊正知正念從等持王安
庠而起以淨天眼觀察十方殑伽沙等諸佛
世界舉身怡悅從兩足下千輻輪相各放六
十百千俱胝那庾多光從足十指兩趺兩跟
四踝兩脛兩膞兩膝兩胫兩股腰脇腹背齋

中心上曾臆德字大士夫相兩乳兩腋兩肩
兩髀兩肘兩臂兩腕兩手兩掌十指項胭頤
頷頰額頭頂兩眉兩眼兩耳兩鼻口四牙四
十齒眉間毫相一一身分各放六十百千俱
胝那庾多光此一光各照三千大千世界
從此展轉遍照十方殑伽沙等諸佛世界其
中有情觸斯光者必獲無上正等菩提余時
卍尊一切毛孔皆悉熙怡各出六十百千俱
胝那庾多光是一光各照三千大千世界
從此展轉遍照十方殑伽沙等諸佛世界其
中有情觸斯光者必獲無上正等菩提余時
卍尊演身常光照此三千大千世界從此展

轉遍照十方殑伽沙等諸佛世界其中有情
觸斯光者必獲無上正等菩提尔時世尊從
其面門出廣長舌相遍覆三千大千世界熙
怡微笑常從舌相流出無量百千俱胝那庾
多光其光雜色從此雜色一一光中現寶蓮
花其花千葉皆真金色衆寶莊嚴如是光花

遍三千界從此展轉周流十方殑伽沙等諸
佛世界諸花臺中皆有化佛結跏趺坐演妙
法音一一法音皆說六種波羅蜜多相應之
法有情聞者必獲無上正等菩提尔時世尊
不起于座復入師子遊戲等持現神通力令
此三千大千世界六種變動東涌西沒西涌

東沒南涌北沒北涌南沒中涌邊沒邊涌中
沒其地清淨光澤細軟生諸有情利益安樂
時此三千大千世界所有地獄傍生鬼界及
餘無暇險惡趣坑一切有情皆離苦難從此
捨命得生人中及六欲天皆憶宿住歡喜踊
躍同詣佛所以淳淨心頂禮佛足從此展轉
周遍十方殑伽沙等諸佛世界以佛神力六
種變動時彼世界諸惡趣等一切有情皆離
苦難從彼捨命得生人中及六欲天皆憶宿
住歡喜踊躍各於本界同詣佛所頂禮佛足
時此三千大千世界及餘十方殑伽沙等世
界有情盲者能視聾者能聽瘖者能言狂者

尚

若四七九

四

月

得念亂者得定貧者得富露者得衣飢者得
食渴者得飲病者得除愈醜者得端嚴形殘
者得具足根缺者得圓滿迷悶者得醒悟疲
頓者得安適時諸有情等心相向如父如母
如兄如弟如姊如妹如友如親離雅語業命
修正語業命離十惡業道修十善業道離惡
尋思修善尋思離非梵行修正梵行好淨棄
穢樂靜捨誼身意泰然忽生妙樂如修行者
入第三定復有勝慧歎尔現前咸作是思布
施調伏安忍勇進寂靜諦觀遠離放逸修行
梵行於諸有情慈悲喜捨不相惱觸豈不善
哉尔時世尊在師子座光明殊特威德巍巍

映蔽三千大千世界并餘十方殞伽沙等諸
佛國土蘇迷盧山輪圍山等及餘一切龍神
天宮乃至淨居皆悉不現如秋滿月暉映衆
星如夏日輪光奪諸色如四大寶妙高山王
掩蔽諸山喪其光彩佛以神力現本色身令
此三千大千世界一切有情皆悉覩見時此
崗君四三七九
三千大千世界無量無數淨居諸天下至欲
界四大王衆天及餘一切人非人等皆見如
來處師子座威光顯曜如大金山歡喜踊躍
歎未曾有各持種種上妙花鬘塗散等香衣
服瓔珞寶幢幡蓋伎樂諸珍及無量種天青
蓮花天赤蓮華天白蓮花天香蓮花天黃蓮

花天紅蓮花天金錢樹花及香葉并餘無量
水陸生花持詣佛所奉散佛上以佛神力諸
花鬘等旋轉上涌合成花臺量等三千大千
世界垂天花蓋寶鐸珠幡綺飾紛綸甚可愛
樂時此佛土微妙莊嚴猶如西方極樂世界
佛光暉映三千大千物類虛空皆同金色十
方各等殫伽河沙諸佛世界亦復如是時此
三千大千佛土以佛神力一切天人各各見
佛正坐其前咸謂如來獨爲說法尔時世尊
不起于座熙怡微笑從其面門放大光明遍
照三千大千佛土并餘十方殫伽沙等諸佛
世界時此三千大千佛土一切有情尋佛光

明普見十方殑伽沙等諸佛世界一切如來
應正等覺聲聞菩薩衆會圍遶及餘一切有
情無情品類差別時彼十方殑伽沙等諸佛
世界一切有情尋佛光明亦見此土釋迦牟
厘如來應正等覺聲聞菩薩衆會圍遶及餘
一切有情無情品類差別亦時東方盡殑伽

沙等世界最後世界名曰多寶佛号寶性如
來應正等覺現爲菩薩摩訶薩衆說大般若
波羅蜜多彼有菩薩名曰普光見此大光大
地變動及佛身相心懷猶豫前詣佛所白言
世尊何因何緣而有此瑞時寶性佛告普光
言從此西方盡殑伽沙等世界最後世界名

曰堪忍佛告釋迦牟尼如來應正等覺現為
菩薩摩訶薩衆說大般若波羅蜜多彼佛神
力故現斯瑞普光聞已歡喜踊躍白言世尊
我今請往堪忍世界觀禮供養釋迦牟尼佛
及菩薩衆唯願聽許時寶性佛告普光言今
正是時隨汝意往即以千莖金色蓮花其花

崗

若四七九

六

月

千葉衆寶莊嚴授與普光而誨之曰汝持此
華至釋迦牟尼佛所如我辭曰寶性如來應
正等覺致問無量持此蓮花以寄世尊而為
佛事汝至彼界應住正知勿以慢心觀彼佛
土及諸大衆而自毀傷所以者何彼諸菩薩
得無礙解陀羅尼門三摩地門神通自在住

最後身堪紹佛位威德難及悲願熏心以大
因緣而生彼界時普光菩薩於寶性佛所受
華奉勅與無量百千俱胝那庾多菩薩摩訶
薩及無數百千童男童女頂禮佛足右遶奉
辭各持無量上妙供具發引而來所經東方
諸佛世界一一佛所供養恭敬尊重讚歎無
空過者到此佛所頂禮雙足遶百千而却住
一面普光菩薩前白佛言世尊從此東方盡
殑伽沙等世界最後世界名曰多寶佛号寶
性如來應正等覺致問世尊無量持此千莖
金色蓮花以寄世尊而為佛事時釋迦牟尼
佛受此蓮花還散東方殑伽沙等諸佛世界

佛神力故令此蓮花遍諸佛土諸花臺中各有化佛結加趺坐爲諸菩薩說大般若波羅蜜多相應之法有情聞者必獲無上正等菩提是時普光及諸眷屬見此事已歡喜踊躍歎未曾有各隨善根供具多少供養恭敬尊重讚歎佛菩薩已退坐一面餘東方界亦復

崗

右四七九

七

月

如是尔時南方盡殞伽沙等世界最後世界名離一切憂佛号無憂德彼有菩薩名曰離憂西方盡殞伽沙等世界最後世界名近寂靜佛号寶焰彼有菩薩名曰行慧北方盡殞伽沙等世界最後世界名曰最勝佛号勝帝彼有菩薩名曰勝授東北方盡殞伽沙等世

界最後世界名定莊嚴佛号定象勝德彼有
菩薩名離塵勇猛東南方盡殫伽沙等世界
最後世界名妙覺莊嚴甚可愛樂佛号蓮花
勝德彼有菩薩名蓮花手西南方盡殫伽沙
等世界最後世界名離塵聚佛号日輪遍照
勝德彼有菩薩名曰光明西北方盡殫伽沙
等世界最後世界名真自在佛号一寶蓋勝
彼有菩薩名曰寶勝下方盡殫伽沙等世界
最後世界名曰蓮花佛号蓮花德彼有菩薩
名蓮華勝上方盡殫伽沙等世界最後世界
名曰歡喜佛号喜德彼有菩薩名曰喜授如
是一切皆如東方尔時於此三千大千堪忍

世界衆寶充滿諸妙香花遍布其地寶幢幡
蓋處處行列花樹果樹香樹鬘樹寶樹衣樹
諸雜飾樹周遍莊嚴甚可愛樂如衆蓮花世
界普花如來佛土妙吉祥菩薩善住慧菩薩
及餘無量大威德菩薩摩訶薩本所住處

第三分舍利子品第二之一

尔時世尊知諸世界若天魔梵若諸沙門若
婆羅門若諸菩薩摩訶薩衆紹尊位者若餘
一切於法有緣人非人等皆來集會便告具
壽舍利子言若菩薩摩訶薩欲於諸法等覺
諸相應學般若波羅蜜多時舍利子聞佛所
說合掌恭敬而白佛言世尊云何菩薩摩訶

薩欲於諸法等覺諸相應學般若波羅蜜多
佛告具壽舍利子言諸菩薩摩訶薩應以無
住而為方便安住般若波羅蜜多所住能住
不可得故應以無捨而為方便圓滿布施波
羅蜜多施者受者不可得故應以無護而為
方便圓滿淨戒波羅蜜多犯無犯相不可得
故應以無取而為方便圓滿安忍波羅蜜多
動不動相不可得故應以無策而為方便圓
滿精進波羅蜜多身心勤怠不可得故應以
無思而為方便圓滿靜慮波羅蜜多有味無
味不可得故應以無執而為方便圓滿般若
波羅蜜多有無性相不可得故復次舍利子

崗

右四七九

八

月

諸菩薩摩訶薩安住般若波羅蜜多以無所得而爲方便應修四念住四正斷四神足五根五力七等覺支八聖道支應修空解脫門無相解脫門無願解脫門應修四靜慮四無量四無色定應修八解脫九次第定應修九想何等爲九謂胖脹想膿爛想異赤想青瘀想啄噉想離散想骸骨想焚燒想馱壞想應修十隨念何等爲十謂佛隨念法隨念僧隨念戒隨念捨隨念天隨念入出息隨念馱隨念死隨念身隨念應修十想何等爲十謂無常想苦想無我想不淨想死想一切世間不可樂想馱食想斷想離想滅想應修十一智

何等十一謂苦智集智滅智道智盡智無生
智法智類智世俗智他心智如說智應修有
尋有伺三摩地無尋唯伺三摩地無尋無伺
三摩地應修未知當知根已知根具知根應
修不淨處觀遍處觀一切智智應修奢摩他
毗鉢舍那應修三明四無礙解四無所畏應
修不退轉五神通應修六波羅蜜多七聖財
八大士覺九有情居智應修如來十力十八
佛不共法應修大慈大悲大喜大捨應修一
切相微妙智等無量無邊不可思議諸佛功
德如是諸法不可得故復次舍利子若菩薩
摩訶薩欲疾證得一切智智應學般若波羅

崗

若四了七九

九

月

蜜多欲疾圓滿一切智道相智一切相智一切有情心行相智應學般若波羅蜜多欲拔一切煩惱習氣應學般若波羅蜜多欲入菩薩正決定位應學般若波羅蜜多欲超聲聞獨覺等地應學般若波羅蜜多欲住菩薩不退轉地應學般若波羅蜜多欲得殊勝六種神通應學般若波羅蜜多欲知一切有情心行轉變差別應學般若波羅蜜多欲勝一切聲聞獨覺智慧作用應學般若波羅蜜多欲得一切陀羅尼門三摩地門應學般若波羅蜜多欲以一念隨喜之心超過一切聲聞獨覺所有布施應學般若波羅蜜多欲以一念

隨喜之心超過一切聲聞獨覺所有淨戒應
學般若波羅蜜多欲以一念隨喜之心超過
一切聲聞獨覺定慧解脫智見應學般
若波羅蜜多欲以一念隨喜之心超過一切
聲聞獨覺靜慮解脫等持等至及餘善法應
學般若波羅蜜多欲以一念所修善法超過

一切異生聲聞獨覺善法應學般若波羅蜜
多欲行少分布施淨戒安忍精進靜慮般若
爲諸有情方便善巧平等迴向一切智智便
得無量無數功德應學般若波羅蜜多復次
舍利子若菩薩摩訶薩欲令所修布施淨戒
安忍精進靜慮般若波羅蜜多速得圓滿離

諸障礙應學般若波羅蜜多欲得世世常見
諸佛恒聞正法得佛覺悟蒙佛憶念教誡教
授應學般若波羅蜜多欲得佛身具三十二
大丈夫相八十隨好具足莊嚴應學般若波
羅蜜多欲生佛家入童真地常不遠離諸佛
菩薩應學般若波羅蜜多欲以種種勝善根
力隨意能引上妙供具供養恭敬尊重讚歎
一切如來應正等覺令諸善根疾得成滿應
學般若波羅蜜多欲滿一切有情所求飲食
衣服牀榻卧具病緣醫藥種種花香燈明車
乘園林舍宅財穀珍寶嚴具伎樂及餘種種
王等所受上妙樂具并世出世諸妙善法應

尚

若四十九

十

同

學般若波羅蜜多復次舍利子若菩薩摩訶
薩欲普安立盡虛空界法界世界一切有情
皆令安住布施淨戒安忍精進靜慮般若波
羅蜜多及餘無邊殊勝善法應學般若波羅
蜜多欲得發起一念善心所獲功德乃至安
坐妙菩提座證得無上正等菩提亦不窮盡
應學般若波羅蜜多欲得十方諸佛世界一
切如來應正等覺及諸菩薩摩訶薩衆咸共
稱歎護念與力應學般若波羅蜜多欲一發
心即能遍到十方各如殑伽沙界供養恭敬
尊重讚歎一切如來應正等覺及諸菩薩摩
訶薩衆利益安樂無量有情應學般若波羅

蜜多欲以一音即能遍滿十方各如殞伽沙
界讚歎諸佛教誡有情應學般若波羅蜜多
欲紹三寶種使不斷絕利益安樂一切有情
應學般若波羅蜜多復次舍利子若菩薩摩
訶薩欲通達內空外空內外空大空空空勝
義空有為空無為空畢竟空無際空散空本
性空共相空一切法空無性空無性自性空
及所緣空增上空等無空等應學般若波羅
蜜多若菩薩摩訶薩欲通達一切法真如法
界法性不虛妄性不變異性平等性離生性
法定法住實際應學般若波羅蜜多若菩薩
摩訶薩欲知十方殞伽沙等三千大千世界所

崗

若四十九

十一

月

有大地虛空諸山大海江河池沼澗谷陂湖
地水火風諸極微數應學般若若波羅蜜多若
菩薩摩訶薩見劫火起遍燒三千大千世界
天地洞然欲以一氣吹令頓滅應學般若若波
羅蜜多若菩薩摩訶薩見風劫起三千大千
世界最下所依風輪飄繫上涌將吹三千大
千世界蘇迷盧山輪圍山等諸所有物碎如
朽葉欲以一指障彼風力令息不起應學般
若波羅蜜多若菩薩摩訶薩欲於三千大千
世界一結加坐充滿虛空應學般若若波羅蜜
多若菩薩摩訶薩欲以一毛繫取三千大千
世界蘇迷盧山輪圍山等諸所有物擲過他

方無量無數無邊世界而不損害其中有情
應學般若波羅蜜多若菩薩摩訶薩欲以一
食一香一花一鬘一衣一幢一蓋一燈幡等
諸供養具供養恭敬尊重讚歎十方各如殑
伽沙界一切如來應正等覺及弟子衆無不
充足應學般若波羅蜜多若菩薩摩訶薩欲

普安立十方各如殑伽沙界諸有情類令住
戒蘊定蘊慧蘊解脫蘊解脫智見蘊或住預
流一來不還阿羅漢果獨覺菩提乃至令入
無餘依涅槃界究竟安樂應學般若波羅蜜
多復次舍利子若菩薩摩訶薩修行般若波
羅蜜多能如實知修行布施得大果報謂如

實知如是布施得生刹帝利大族如是布施
得生婆羅門大族如是布施得生長者大族
如是布施得生居士大族又如實知如是布
施得生四大王衆天如是布施得生三十三
天如是布施得生夜摩天如是布施得生覩
史多天如是布施得生樂變化天如是布施

尚

卷四七九

十一

明

得生他化自在天又如實知依此布施得初
靜慮定或第二靜慮定或第三靜慮定或第
四靜慮定又如實知依此布施得空無邊處
定或識無邊處定或無所有處定或非想非
非想處定又如實知依此布施起三十七菩
提分法由是因緣得預流果或一來果或不

還果或阿羅漢果或獨覺菩提或得無上正
等菩提能如實知修行淨戒安忍精進靜慮
般若得大果報亦復如是復次舍利子若菩
薩摩訶薩修行般若波羅蜜多能如實知如
是布施方便善巧能滿布施波羅蜜多如是
布施方便善巧能滿淨戒波羅蜜多如是布
施方便善巧能滿安忍波羅蜜多如是布施
方便善巧能滿精進波羅蜜多如是布施方
便善巧能滿靜慮波羅蜜多如是布施方便
善巧能滿般若波羅蜜多又如實知如是淨
戒安忍精進靜慮般若方便善巧各能滿六波
羅蜜多時舍利子白言世尊云何菩薩摩訶

薩修行般若波羅蜜多能如實知如是布施
方便善巧能滿布施乃至般若波羅蜜多能
如實知如是淨戒乃至般若波羅蜜多能滿
淨戒乃至靜慮波羅蜜多佛告尊者舍利子
言以無所得為方便故謂菩薩摩訶薩行布
施時了達一切施受物相不可得故能滿布
施崗波羅蜜多犯無犯相不可得故能滿淨戒若四十七十九
波羅蜜多動不動相不可得故能滿安忍波十一
羅蜜多身心勤怠不可得故能滿精進波羅
蜜多有亂無亂不可得故能滿靜慮波羅蜜
多諸法性相不可得故能滿般若波羅蜜多
舍利子是為菩薩摩訶薩行布施時方便善

巧能滿六種波羅蜜多如是舍利子菩薩摩
薩行淨戒時乃至行般若時方便善巧各能
滿六波羅蜜多復次舍利子若菩薩摩訶薩
欲得過去未來現在一切如來應正等覺殊
勝功德應學般若波羅蜜多若菩薩摩訶薩
欲達一切有爲無爲究竟彼岸應學般若波
羅蜜多若菩薩摩訶薩欲達過去未來現在
諸法真如法界法性無生實際應學般若波
羅蜜多若菩薩摩訶薩欲與一切聲聞獨覺
常爲導首應學般若波羅蜜多若菩薩摩訶
薩欲與諸佛爲親侍者應學般若波羅蜜多
若菩薩摩訶薩欲與諸佛爲內眷屬應學般

若波羅蜜多若菩薩摩訶薩欲得生生具大
眷屬應學般若波羅蜜多若菩薩摩訶薩欲
得菩薩常爲眷屬應學般若波羅蜜多若菩
薩摩訶薩欲爲世間真淨福田應學般若波
羅蜜多若菩薩摩訶薩欲伏慳貪心息犯戒
心除忿恚心捨懈怠心靜散亂心離惡慧心

應學般若波羅蜜多若菩薩摩訶薩欲善安
立一切有情於施性福業事戒性福業事修
性福業事供侍福業事有依福業事應學般
若波羅蜜多復次舍利子若菩薩摩訶薩欲
得五眼何等爲五所謂肉眼天眼慧眼法眼
佛眼應學般若波羅蜜多若菩薩摩訶薩欲

以天眼盡見十方殑伽沙等世界諸佛妙相
好身應學般若波羅蜜多若菩薩摩訶薩欲
以天耳遍聞十方殑伽沙等世界諸佛所說
法要應學般若波羅蜜多若菩薩摩訶薩欲
如實知十方各如殑伽沙界一切如來心心
所法應學般若波羅蜜多若菩薩摩訶薩欲
得普聞十方世界諸佛說法乃至無上正等
菩提常無斷絕應學般若波羅蜜多若菩薩
摩訶薩欲見過去未來現在十方諸佛所有
國土應學般若波羅蜜多若菩薩摩訶薩欲
於過去未來現在十方諸佛所說契經應頌
授記諷頌自說因緣本事本生方廣希法譬

尚

若四七九

十四

明

喻論議諸聲聞等曾所未聞皆能受持究竟
通利應學般若波羅蜜多若菩薩摩訶薩欲
於過去未來現在十方諸佛所說法門既自
受持究竟通利如說修行復能爲他如實廣
說勸令修行應學般若波羅蜜多若菩薩摩
訶薩欲於十方殑伽沙等幽冥世界或世界
中間無日月光處爲作光明應學般若波羅
蜜多若菩薩摩訶薩欲於十方殑伽沙等無
量世界其中衆生成就邪見不聞佛名法名
僧名不信因果而能化導令起正見聞三寶
名深信因果應學般若波羅蜜多若菩薩摩
訶薩欲令十方殑伽沙等世界有情以已威

力盲者能視聾者能聽瘖者能言狂者得念
乱者得定貧者得富露者得衣飢者得食渴
者得飲病者得除愈醜者得端嚴形殘者得
具足根缺者得圓滿迷悶者得醒悟疲頓者
得安泰一切有情慈心相向墮惡趣者得生
善趣習惡業者皆修善業諸犯戒者安住戒
蘊未得定者安住定蘊有惡慧者安住慧蘊
無解脫者安住解脫蘊無解脫智見者安住
解脫智見蘊未見諦者得預流果或一來果
或不還果或阿羅漢果或獨覺菩提或復漸
次證得無上正等菩提應學般若波羅蜜多
若菩薩摩訶薩欲學如來應正等覺殊勝威

尚

若四七九

十五

儀令諸有情觀之無厭滅惡生善應學般若
波羅蜜多復次舍利子若菩薩摩訶薩修行
般若波羅蜜多作如是念我何時得如龍象
視容止肅然為衆說法身語意業隨智慧行
皆悉清淨於經行時足不履地如四指量欲
成是事應學般若波羅蜜多若菩薩摩訶薩
修行般若波羅蜜多作如是念我何時得無
量千俱胝那庾多四大王衆天三十三天夜
摩天覩史多天樂變化天他化自在天梵衆
天梵輔天梵會天大梵天光天少光天無量
光天極光淨天淨天少淨天無量淨天遍淨
天廣天少廣天無量廣天廣果天無煩天無

熱天善現天善見天色究竟天道從圍遶詣
菩提樹是諸天衆於菩提樹下以天衣爲座
我於此座結加趺坐以衆妙相所莊嚴手而
撫大地使于地神并諸眷屬俱時涌現降魔
惡敵證得無上正等菩提從是已後若行若
住若坐若卧隨地方所悉爲金剛欲成是事

應學般若波羅蜜多若菩薩摩訶薩修行般
若波羅蜜多作如是念我何時得捨國出家
即於是日證得無上正等菩提即於是日轉
妙法輪即令無量無數有情遠塵離垢生淨
法眼復令無量無數有情永盡諸漏心慧解
脫亦令無量無數有情能於無上正等菩提

得不退轉欲成是事應學般若波羅蜜多若
菩薩摩訶薩修行般若波羅蜜多作如是念
我何時得無上菩提無量無數聲聞菩薩爲
弟子衆一說法時即令無量無數有情不起
于座成阿羅漢復令無量無數有情不起于
座能於無上正等菩提得不退轉欲成是事

崗

若四七九

十六

月

應學般若波羅蜜多若菩薩摩訶薩修行般
若波羅蜜多作如是念我何時得壽量無盡
無邊光明相好莊嚴觀者無厭雖復行時千
業蓮華每承其足而令地上現千輻輪舉步
經行大地震動而不擾惱地居有情欲廻顧
時舉身皆轉足之所履盡金剛際如車輪量

地皆隨轉舉身支節皆放光明遍照十方無
邊世界隨所照處爲諸有情作大饒益欲成
是事應學般若波羅蜜多若菩薩摩訶薩修
行般若波羅蜜多作如是念我得無上正等
覺時願所居士無有一切貪欲瞋恚愚癡等
名其中有情成就妙慧由斯慧力作是思惟
布施調伏安忍勇進寂靜諦觀離諸放逸勤
修梵行慈悲喜捨不惱有情如餘佛土豈不
善哉化事旣周般涅槃後正法無有滅盡之
期常爲有情作大饒益欲成是事應學般若
波羅蜜多若菩薩摩訶薩修行般若波羅蜜
多作如是念我得無上正等覺時願令十方

殞伽沙等無量世界一切有情聞我名者必
得無上正等菩提欲成是事應學般若波羅
蜜多舍利子諸菩薩摩訶薩欲得此等無量
無邊殊勝功德應學般若波羅蜜多

大般若波羅蜜多經卷第四百七十九 崗

此入般若第
三會有序

睽反苦圭 殉二同詞 漬反在智 亟迂 上去吏反

坦反他罕 摛反田知 澡汰 嬰反一盈 炫音縣 覲

反古候 號字号 闢反毗益 霈反普帶 逮逐 勇銳

下羊 矯誑 降煩 惱江上 敵反徒的 測反昌力

肅穆 那度 怡悅 輻輪 福車

跌音夫跟音根脛音胡定音定膺音時脞音蒲米音米股音古脇音脇脅音脅

業二同虛反曾音曾臆音臆腋音亦膊音膊肘音肘額音額柳音柳挽音挽腕音腕

烏貫反項音項胭音煙頤音頤頷音頷頰音頰額音額古音古帖音帖

客反細音細奕音奕無音無暇音暇疲音疲頓音頓欸音欸尔音尔許音許

映音映蔽音蔽花音花鬢音鬢寶音寶鐸音鐸莖音莖戶音戶耕音耕

策音策楚音楚賁音賁脞音脞脹音脹知音知向音向反音反青音青痰音痰去音去於音於啄音啄卓音卓陂音陂湖音湖

碑上音飄音飄擊音擊苗音苗疋音疋惚音惚惱音惱

大檀越成忠郎趙審一力刊經一部六百卷

